



Služba za kulturu, sport, mlade
i socijalnu zaštitu

Broj: 17/11-A-7186-2024
Tuzla, 13.05.2024. godine

Na osnovu člana 4. Odluke o uslovima, postupku, visini i kriterijima za dodjelu Nagrade Grada Tuzle za ostvaren natprosječan uspjeh učenika, studenata i sportista sa područja grada Tuzle („Službeni glasnik Grada Tuzla“, broj: 2/19 i 1/24), Služba za kulturu, sport, mlade i socijalnu zaštitu 07.05.2024. godine raspisuje:

JAVNI POZIV
za dodjelu Nagrade Grada Tuzle za ostvaren natprosječan uspjeh
učenika, studenata i sportista sa područja grada Tuzle

I

Predmet Javnog poziva je dodjela Nagrade Grada Tuzle (u daljem tekstu Nagrada) učenicima, studentima i sportistima sa područja grada Tuzle, koji su ostvarili natprosječan uspjeh u prethodnoj školskoj/kalendarskoj godini.

II

Pravo na dodjelu Nagrade imaju aplikanti koji ispunjavaju sljedeće uslove:

- a) Opći kriteriji:
- da su državljani Bosne i Hercegovine,
 - da imaju stalno mjesto prebivališta na području grada Tuzle.

Posebni kriteriji:

Aplikanti	Kriteriji za dodjelu Nagrade
učenici	da je prethodne školske godine bio redovan učenik srednje škole i da je proglašen učenikom generacije
studenti	da je u prethodnoj školskoj godini bio redovan student I ciklusa (dodiplomskog) studija, da je položio sve ispite sa najnižom prosječnom ocjenom 9,5, kao i da je izmirio sve obaveze predviđene planom i programom te studijske godine
učenici i studenti	da su prethodne školske godine bili redovni učenici odnosno studenti i da su osvojili jedno od prvih tri mjesta na međunarodnim takmičenjima u oblasti nauke, kulture i drugih društvenih oblasti u pojedinačnoj konkurenciji
sportisti	sportisti koji su Odlukom Sportskog saveza Grada Tuzle proglašeni za najuspješnije sportiste u prethodnoj kalendarskoj godini

Učenici, studenti i sportisti mogu ostvariti Nagradu samo po jednom od navedenih posebnih kriterija.

III

Prijave na Javni poziv podnose se na propisanom prijavnom obrascu koji se objavljuje u prilogu ovog Javnog poziva na zvaničnoj internet stranici Grada Tuzle (grad.tuzla.ba). Prijavni obrazac može se preuzeti i u Centru za pružanje usluga građanima (šalter sala).

IV

Uz popunjenu prijavu na Javni poziv za dodjelu Nagrade aplikanti su obavezni dostaviti sljedeću dokumentaciju:

1. fotokopiju uvjerenja o državljanstvu,
2. fotokopiju tekućeg računa.

Pored navedene dokumentacije aplikanti su dužni dostaviti jedan od sljedećih dokumenata kojima se dokazuje natprosječan uspjeh u prethodnoj školskoj/kalendarskoj godini učenika, studenata i sportista:

1. Učenici - odluku nadležnog organa srednje škole o proglašenju učenika generacije za prethodnu školsku godinu,
2. Studenti - dokaz visokoškolske ustanove da je aplikant u prethodnoj školskoj godini bio redovan student I ciklusa (dodiplomskog) studija, da je položio sve ispite sa najnižom prosječnom ocjenom 9,5 kao i da je izmirio sve obaveze predviđene planom i programom te studijske godine,
3. Učenici i studenti - potvrda (uvjerenje) nadležne obrazovne ustanove da je učenik/student bio redovan učenik/student prethodne školske godine kao i dokaz o osvojenom jednom od prvih tri mjesta na zvaničnom međunarodnom takmičenju u oblasti nauke, kulture i drugih društvenih oblasti u pojedinačnoj konkurenciji za tu školsku godinu,
4. Sportisti - odluku Sportskog saveza grada Tuzle o proglašenju najuspješnijeg sportiste u prethodnoj godini.

Dokaz o evidenciji prebivališta za aplikante pribavlja nadležna Služba po službenoj dužnosti.

V

Prijave na Javni poziv sa pratećom dokumentacijom dostavljaju se u zatvorenoj kovrti putem Centra za pružanje usluga građanima (šalter sala), na adresu:

GRAD TUZLA
Služba za kulturu, sport, mlade i socijalnu zaštitu
sa obaveznom naznakom:
“JAVNI POZIV
za dodjelu Nagrade Grada Tuzle za ostvaren natprosječan uspjeh
učenika, studenata i sportista sa područja grada Tuzle
Ne otvarati”

Javni poziv ostaje otvoren **15** dana od dana objavljivanja, a zaključno sa 28.05.2024. godine. Rezultati Javnog poziva će biti objavljeni na zvaničnoj internet stranici Grada Tuzle (grad.tuzla.ba).

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307-327 ili slanjem pitanja na e-mail adresu: asja@tuzla.ba, ahmet.kesetovic@tuzla.ba.

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

Služba za kulturu, sport, mlade
i socijalnu zaštitu